

Tigukluknik C: Naonaeyakniga Aneagutivin Ilitokhakniga



LEE NARRAVAY


Kaoyimaliguvin tigukluknikmi C aneagutikaliguvin aneaknaetonik ihomaleogutikalaktotin.

Ihoakhaotikhakaktok aokluknik C. Amigaetun inoen inikhivaktun ihoakhaotikhanik aneagoegeamikni. Ikeyoktukhakaktok kaoyiyakni tigukluknik C kanoginiganik, anealagigitaakni monagiyaaganilo aalat inoen.

Amihoni ukeoni monaktaogitkomilo, tigukluknik C aneagutaokhakan hukhaogigutilaktok tiguknik anealagikpeaklotilo. Aneaktaeliguvin tigukni hukhaogigutaolimaetok.

Tiguk atoknikakloaktok ilgamik timigiyakni. Tiguk:

- Kilaaktaeliyun, halumakhivakhonilo tokenaktonik aokmi hikuptigivlonilo nikinik; unalo
- Talikpeanetok timigiyakin, ataani tulimakin, mukpaktulo iginikaktok.



Igatakpaleanigin Tugukmi Hukhaongigutin

Monaktaogitkomi, hukhaongikpaleaneaktok tiguk inuhikmi. Ukoa igatakpaleanigin tugukmi hukhaongigutin:

- **Tigukluknik C aneagun.** Tugukluknik C intikpaktok aokmun, tigukmugakpaleavaktok anealagivagaen tugukmi nika;
- **Povipkappaleaniga.** Aneagutikaktun tugukmi nika hukhaongeotivaktok ilagilo nikaata amea tokuvloni. Una tugukmik pivipkagutaovaktok. Amigaetun inoen kaoyimagitun una taemaelivaleaniganik;

- **Kilaaknen.** Kakugugukan, kilanikneagunakhivyok tiguk. Una kilaaknik. Kanogaalok kilaaknikakniga piyotikaktok kanogaalok inuk aneagutikakhimakmagaa tigukluknik C-mik;
- **Tiguklun.** Kilaaknen amigaekpaleagaagata ukeoni, tiguk naptohilaktok mikhilonilo. Una aneagutaokhakan tigukmi tiguklun; unalo
- **Tigukmi kansakaknik tiguklunen hukhaongiktok.** Kagugukyoak, inoen kansakalaktun tigukmi tiguklunen hukhaongikloni.

Poeguktaelotin, havaotikhakaktok tigukluknik C-mik aneagutikakan. Amigaetun inoen havaotituktaktok ahivageagani kupilguk. Aneaknaetomik inihikaguvin iliknun ikayutaoneaktok.

Aneagepkotin

Hama ilagin atulaktatin aneagepkotin tigukluknik C-min:

- Monagiteaklogo tigeon nigiteakpaklotin, ikaeyaklotilo unageokhikpaklotilo;
- Monagilotin ahenin kupilgunin. Aneagutin ataoheagitomin kupilgukmin aneagutigegutaoyunik okaotaoyun tigukligutaoyoklo tigukluknik C-min igatakpaktok;
- Ihomalotin kina okaotineakmagaa. Okaotiyo-manegunakhivatin inoen angeagigitatin ila tigukluknik C-mik aneagutikaguvin ikayoktaoyaakni. Aalalo okaotilaagunakhivatin, nuleakatilo, ukoa ilitokhaktaoyaaganilo;
- Apikotikhakaguvin ikayoktaoyomaguvilunen, okakatigiyavan monakhi, taktilunen, okaoyiyuklunen nunaliknilunen havakti;
- Monakhi takoyavan naonaegeagani kitun ilitokhaotin atulakmaga tiguklukni C-m kanogilivaleaniganik;
- Nikiteanik nigivaklotin, ukoa okhokakpalagitun, sukakakpalagitolo takyokakpalagitolo;

- Imaenakmik imikpaklotin uplotoagaagan;
- Ukomaenigiyvan namaenakloni okhakpalaktaelilotin;
- Okhakpalaguvin, ukilivaleanahoakpayavutin;
- Apigilogo taktin monaktigiyalunen aneagepkotin timigiyakni ehivageakni;
- Kaplukhikpaklotin anealagigitaakni tigukluknik A-mik B-miklo; unalo
- Ayoknaetpan, higagoeklotin higakpalaagilotilunen. Higaknik tiguklutaolaktok, ila higayukuvin imiyukuvilo taagaknik.

Ikayuyavutin monagiyaagani inoen inuhikni

Piyotin heamayagitaagani tigukluknik C ukuniga ilakaktok:

- Pikaklotin nanminik pikotiknik aokalaktonik. Ukoa kigutigikhaotin, umeyaotilo, kukeyaotilo. Atoktitaelogin ukoa aalanin inuknin;
- Matohikpaklotin kiliguvin kilaaknikaguvilo;
- Atoktithoeklotin kilaotinik kakinihiyotiniklo. Ukoa mitkotin, akyavaleon akeotaelo;
- Atoguvin nanminik havaotitutitnik aalanun atoktitaelogin; unalo
- Atokan pukmik kinitagepkotimiklunen kuyaknikpan ila aovalokakneaknikalo piyagealik.

Poeguktaelotin

- Tigukluknik C heamayakpaktok aok kahaotigaagami aheanik aokmik tigukluknik C itagaagan;
- Tigukluknik C hakugiktok kupilguk hilatanelakhonilo timim amigaetoni uploni. Paneomayok aok heamayaotilaktok kupilgukmik;
- Atokan ayikenik imigaknaktonik, ila taagakmik, kilamik hukhaongigutilaktok tigukmik;

- Monaginahogitpaklotin. Unageokhiklotin, ikaeyaklotilo nikiteanilo nigivaklotin;
- Amigaetun inoen inikhiteakpaktun tigukluknik C-mik havaotitogumik pelakhonilo kupilguk;
- Tigukluknik C heamayalimaetok aktokhikpan ikitikpan, kuniktuknikpalo, toguyutikpatalo haneanekuvilunen inum takyuktum kalaktoktuvlunen;
- Tigukluknik C imakmegitok nikinilunen; unalo
- Kaoyimateagin. Ikeyotikhakaktok ikayoktukhalo kahaktun.

520 – 1 Nicholas Street
Ottawa, ON K1N 7B7
Tel: 613-238-3977
Fax: 613-238-1787
www.pauktuutit.ca